

---

## DÉZIÈM PATI

# Sélébrasion mistè krétyin-an

### Poukisa litiji-a ?

1066      Nan Sinbòl lafoua-a, l'Égliz-la déklaré mistè Trè Sint Trinité-a épi  
50      « mistè volonté-l, dapré bon plézi-l » (Ep 1, 9) sou tout kréasion-an :  
Papa-a akonpli « mistè volonté-l la » antan-l bay Pitit li-a li rinmin-an épi  
Éspri-Sin-l nan pou sové moun-yo sou tè-a épi pou gloua Non-l. Sé kalité  
mistè sa-a Kris-la (cf. Ep 3, 4), révéle épi réalisé nan istoua-a dapré projè,  
« dispozision » ki òdoné ak sa-jès, sa sin Pòl rélé « òganizasion distribision  
[*oeconomia*] mistè-a » (Économie du mystère) (Ep 3, 9) épi tradision  
236      patristik-la ap rélé-l « Distribision Paròl-la ki inkarné-a » oubyin  
« Distribision ki sové nou-an » (Économie du Verbe incarné ou Économie  
du salut).

1067      « Travay Rédanmsion moun-nan minm épi pèfeksion glorifikasion  
Bondié-a, ki té déjà préparé nan gran aksion Bondié pou pèp Ansyin  
Téstaman-an, Kris-la, Granmèt-la, vîn akonpli-l, toudabò gras a mistè  
Paskal Soufrans li-a ki sin-an, Réziréksion-l nan sot anba tè-a (ab inferis),  
épi Asansion-l nan nan gloua-a, ki fè “antan-l mouri li détrui lanmò-nou,  
antan-l résisité li réstoré lavi-nou”. Paské sé apati bò kòt Kris-la k-ap  
571      dòmi sou koua-a sakréman ékstraòdinè tout l'Égliz-la yé-a vîn soti » (SC  
5). Sé poutèt sa, nan litiji-a, l'Égliz-la ap sélébré prinsipalman mistè Pak-  
la koté Kris-la té akonpli travay sové nou-an.

1068      Sa-a sé mistè Kris-la l'Égliz-la anonsé épi sélébré nan litiji li-a, pou  
fidèl-yo viv apati li épi témouagné-l sou tè-a :

« Sé palintèmediè Litiji-a réyèlman, sitou nan trè sin (*divino*) Sakrifis  
Ékaristi-a, “travay Rédanmsion nou-an déplouayé fòs-li”, lè fidèl-yo viv li,  
sé mistè Kris-la épi natu otantik véritab l'Égliz-la li pèmèt yo éksprimé nan  
pi ro dégré épi manifésté-l bay lòt-yo » (SC 2).

### Kisa mo « litiji »-a vlé di ?

1069      Mo « *liturgia* » vlé di nan ori-jîn-li « aksion piblik », « sèvis nan non  
pèp-la épi pou pèp-la ». Nan tradision krétyin-an li vlé indiké Pèp Bondié-  
a patisipé nan « travay Bondié-a » (cf. Jn 17, 4). Palintèmediè litiji-a,  
Kris-la, Rédanmtè nou-an épi Prèt an chèf-la, kontinué travay rédanmsion  
nou-an nan l'Égliz li-a, avèk l'Égliz li-a épi palintèmediè l'Égliz li-a.

1070 Mo « litiji-a » nan Nouvo Téstaman-an yo anplouayé-l pou dézigné non sèlman sélébrasion kult Bondié-a (cf. Ac 13, 2 ; Lc 1, 23), min tou pou anons Évanjil-la (cf. Rm 15, 16 ; Ph 2, 14-17 et 2, 30) épi pou aksion charité-a (cf. Rm 15, 27 ; 2 Co 9, 12 ; Ph 2, 25). Nan tout sitiasion sa-yo sé toujou sèvis Bondié ak moun-yo y-ap fè. L'Égliz-la nan sélébrasion litijik-la sé sèvant li yé, dapré pòtré Granmèt li-a, li-minm sèl ki « Liturj »  
783 (« sèvitè bagay ki sin-yo ») (cf. He 8, 2 et 6), antan-l patisipé nan sasèrdòs (kult) profètik (anons) épi rouayal-la (sèvis charité-a) :

« Sé sa-k fè Litiji-a mérité yo konsidéré-l kòm réalizasion (*exercitatio*) fonksion sasèrdotal Jézu, Kris-la, koté ak sign sansib-yo yo indiké sanktifikasion moun-yo épi sanktifikasion sa-a vîn réalisé dapré fason ki pròp pou yo chak ; épi konsa Kò mistik Jézu-Kri-a, sa vlé di Tèt-la ak manb li-yo, vîn réalisé (*exercetur*) sèvis sélébrasion piblik-la intégralman. An konsékans, tout sélébrasion litijik, paské li sé travay Kris-la ki prèt, ansanm ak Kò-li ki l'Égliz-la, sé aksion sakré ki pi éksélan-an, épi pa gin okinn lòt aksion l'Égliz-la ki égal-égo ak li nan éfikasité atèlpouin pou-l t-a gin minm dignité oubyin minm dégré ak li » (SC 7).

### **Litiji-a kòm sous lavi**

1071 Litiji-a, travay Kris-la, sé aksion l'Égliz li-a tou. Li fè l'Égliz-la épi li manifésté-l kòm sign vizib kominion ant Bondié ak moun-yo palintèmediè Kris-la. Li pran fidèl-yo nan nouvo lavi kominoté-a. Li  
1692 inpliké pou tout moun patisipé « yon fason konsian, aktif épi ki poté frui » (SC 11).

1072 « Litiji-a pa déplouayé tout aksion l'Égliz-la » (SC 9) : gin évanjélizasyon-an, lafoua-a épi konvèsion-an ki doué vini anvan-l ; lè sa-a li kapab donnin frui-l yo nan lavi fidèl-yo : nouvo lavi-a dapré Éspri-a, angajman nan mision l'Égliz-al épi sèvis pou-l kapab vîn fè youn-nan.

### **Priyè-a ak litiji-a**

1073 Litiji-a tou sé patisipasion nan priyè Kris-la adrésé bay Papa-a nan Éspri-Sin-an. Nan li, tout priyè krétyin-an jouinn sous-li ak aboutisman-l. Palintèmediè litiji-a, moun sou paranndan-an vîn anrasiné épi fondé (cf. Ep 3, 16-17) sou Bondié « poutèt gran charité-l la li rinmin nou-an » (Ep 2, 4) nan Pitit li-a li rinmin-an. Sé minm « mèvèy Bondié-a » ki vîn réalisé épi ki vîn sou paranndan nan tout priyè, « sé pou nou rét ap priyé tout tan nan Éspri-a » (Ep 6, 18).  
2558

### **Katéchèz-la ak litiji-a**

1074 « Litiji-a sé aboutisman ki pi ro koté aksion l'Égliz-la vlé rivé épi an minm tan sé sous koté tout fòs-li soti » (SC 10). Li sé koté ki priviléjié pou katéchèz pèp Bondié-a. « Katéchèz-la fè youn dapré natu-li ak tout

sélébrasion litijik-yo épi sakramantèl-yo, paské sé nan sakréman-yo, sitou nan Ékaristi-a, Kris Jézu aji anplin pou transfòmasyon moun-yo » (Jean-Paul II, CT 23).

1075      Katéchèz litijik-la ap fè éfò pou-l introdui nan mistè Kris-la (sé yon  
426      *mistagoji*), antan-l avansé apati sa-k vizib pou-l al nan sa-k invizib, apati  
774      sa-k sèvi kòm sign pou-l al nan signifikasyon-an, apati « sakréman-yo »  
pou-l al nan « mistè-yo ». Kalité katéchèz sa-yo konsèné konpétans  
katéchism lokal épi réjional-yo. Katéchism sa-a minm, ki vlé nan sèvis  
tout l'Égliz-la nan divèsité rit li-yo ak kilti li-yo (cf. SC 3-4), ap prezanté  
sa ki fondamantal épi komin pou tout l'Égliz-la pou sa ki konsèné litiji-a  
kòm mistè épi sélébrasion (*premié séksion*), épi sèt sakréman-yo ak  
sakramantèl-yo (*dézièm séksion*).

[◀Atik  
anvan-an](#)

[Gid jénéral-la](#)

[Atik▶  
après-a](#)